

গণপ্রজাতন্ত্রী বাংলাদেশ সরকার
উপজেলা নির্বাহী অফিসারের কার্যালয়
শ্রীমঙ্গল, মৌলভীবাজার
www.sreemangal.moulvibazar.gov.bd

স্মারক নং:- ০৫.৪৬.৫৮০০.০১২.০৩.০০৩.১৭.১০০৯

তারিখ : ০৫ অগ্রহায়ন ১৪৩০
২০ নভেম্বর ২০২৩

**সরকারি জলমহাল ব্যবস্থাপনা নীতি, ২০০৯ এর আলোকে ২০ একরের নিচের অ-ইজারাকৃত বন্ধ জলমহাল হতে
খাস আদায়ের নিমিত্ত আবেদন আহবান বিজ্ঞপ্তি**

এতদ্বারা প্রকৃত নিবন্ধিত মৎস্যজীবী সমবায় সমিতি/সংগঠনের অবগতির জন্য জানানো যাচ্ছে, জেলা প্রশাসক, মৌলভীবাজার মহোদয়ের কার্যালয়ের রাজস্ব শাখার স্মারক নং-০৫.৪৬.৫৮০০.০০৯.১৭.০০১.২৩.১৪৭৮ তারিখ: ২৫ সেপ্টেম্বর ২০২৩ মোতাবেক শ্রীমঙ্গল উপজেলা জলমহাল ব্যবস্থাপনা কমিটির নিয়ন্ত্রণাধীন তফসিল বর্ণিত (পরিশিষ্ট-ক) ১৪৩০ বাংলা সনে ২০ একরের নিচের অ-ইজারাকৃত বন্ধ জলমহালসমূহ সরকারি জলমহাল ব্যবস্থাপনা নীতি, ২০০৯ এর ১৬নং অনুচ্ছেদ মোতাবেক ১৪৩০ বাংলা সনের অবশিষ্ট সময় অর্থাৎ ৩০শে চৈত্র পর্যন্ত খাস আদায়ের নিমিত্ত সীলগালাযুক্ত মুখবন্ধ খামে নিম্নোক্ত পর্যায়ে ও শর্তাধীনে আবেদন আহবান করা যাচ্ছে।

১ম পর্যায়

আবেদন ফরম ক্রয়ের শেষ তারিখ ও সময়	আবেদন দাখিলের তারিখ ও সময়	আবেদন খোলার তারিখ ও সময়	আবেদনপত্র ক্রয় ও দাখিলের স্থান
২৮/১১/২০২৩ খ্রিস্টাব্দ মঙ্গলবার অফিস সময় পর্যন্ত	০৩/১২/২০২৩ খ্রিস্টাব্দ বিকাল রবিবার ০৩:০০ ঘটিকা পর্যন্ত	০৩/১২/২০২৩ খ্রিস্টাব্দ রবিবার বিকাল ০৩:৩০ ঘটিকা	উপজেলা নির্বাহী অফিসারের কার্যালয়, শ্রীমঙ্গল, মৌলভীবাজার

২য় পর্যায়

আবেদন ফরম ক্রয়ের শেষ তারিখ ও সময়	আবেদন দাখিলের তারিখ ও সময়	আবেদন খোলার তারিখ ও সময়	আবেদনপত্র ক্রয় ও দাখিলের স্থান
১০/১২/২০২৩ খ্রিস্টাব্দ রবিবার অফিস সময় পর্যন্ত	১৩/১২/২০২৩ খ্রিস্টাব্দ বুধবার বিকাল ০৩:০০ ঘটিকা পর্যন্ত	১৩/১২/২০২৩ খ্রিস্টাব্দ বুধবার বিকাল ০৩:৩০ ঘটিকা	উপজেলা নির্বাহী অফিসারের কার্যালয়, শ্রীমঙ্গল, মৌলভীবাজার

৩য় পর্যায়

আবেদন ফরম ক্রয়ের শেষ তারিখ ও সময়	আবেদন দাখিলের তারিখ ও সময়	আবেদন খোলার তারিখ ও সময়	আবেদনপত্র ক্রয় ও দাখিলের স্থান
১৮/১২/২০২৩ খ্রিস্টাব্দ সোমবার অফিস সময় পর্যন্ত	২১/১২/২০২৩ খ্রিস্টাব্দ বৃহস্পতিবার বিকাল ০৩:০০ ঘটিকা পর্যন্ত	২১/১২/২০২৩ খ্রিস্টাব্দ বৃহস্পতিবার বিকাল ০৩:৩০ ঘটিকা	উপজেলা নির্বাহী অফিসারের কার্যালয়, শ্রীমঙ্গল, মৌলভীবাজার

শর্তাবলী

০১) আবেদনের সাথে (ক) প্রকৃত মৎস্যজীবী সমবায় সমিতির নিবন্ধন সনদ (খ) নিবন্ধিত প্রকৃত মৎস্যজীবী সমবায় সমিতির সকল সদস্যের নামের তালিকা (ছবি ও ঠিকানাসহ) (গ) আবেদনকারী সমিতির প্রত্যেক সদস্য কার্ডধারী প্রকৃত মৎস্যজীবী মর্মে উপজেলা জলমহাল ব্যবস্থাপনা কমিটির পক্ষে উপজেলা মৎস্য কর্মকর্তা/সিনিয়র উপজেলা মৎস্য কর্মকর্তা কর্তৃক প্রত্যয়নপত্র (ঘ) সমিতির নির্বাচিত কমিটির তথ্য (ছবি ও ঠিকানাসহ তালিকা) (ঙ) সমিতির গঠনতন্ত্র (চ) সমিতির সভার কার্যবিবরণী (ছ) ব্যাংক সলভেন্সি ও একাউন্টের লেনদেন সংক্রান্ত প্রত্যয়নপত্র (জ) সমিতির কার্যক্রম চলমান আছে মর্মে উপজেলা সমবায়/সমাজসেবা কর্মকর্তা কর্তৃক

প্রত্যয়নপত্র (ঝ) বিগত ০২ বছরের অডিট রিপোর্ট (নতুন নিবন্ধিত মৎস্যজীবীর সমিতির ক্ষেত্রে প্রযোজ্য নয়) (ঞ) ঋণ খেলাপী বা সার্টিফিকেট মোকদ্দমা নেই মর্মে উপজেলা প্রশাসন কর্তৃক প্রত্যয়নপত্র দাখিল করতে হবে।

০২) সর্বোচ্চ দরদাতা বিবেচিত হওয়া সমিতি/সংগঠনকে বিধি মোতাবেক আবেদন অনুমোদনের ০৩ (তিন) কার্যদিবসের মধ্যে খাসমূল্য বাবদ সমুদয় অর্থ, খাসমূল্যের উপর ১০% আয়কর ও ১৫% ভ্যাট এককালীন পরিশোধ করতে হবে। খাসমূল্য, আয়কর ও ভ্যাটের কোন অংশ আংশিক বা কিস্তিতে পরিশোধ করা যাবে না। নির্ধারিত সময়ের মধ্যে খাসমূল্য, আয়কর ও ভ্যাট পরিশোধে ব্যর্থ হলে সরাসরি উক্ত আবেদন বাতিল বলে গণ্য হবে এবং জামানত বাবদ দাখিলকৃত অর্থ সরকারের অনুকূলে বাজেয়াপ্ত হবে।

০৩) ৩০শে চৈত্র ১৪৩০ বাংলা সনের পর কোনো প্রকার দায়-দাবী বা ক্ষতিপূরণ দাবী গ্রহণযোগ্য হবে না।

০৪) বিজ্ঞপ্তিতে বর্ণিত নির্ধারিত সময়সূচী অনুযায়ী উপজেলা নির্বাহী অফিসার, শ্রীমঙ্গল, মৌলভীবাজার এর অনুকূলে ৫০০/- (পাঁচশত) টাকা (অফেরতযোগ্য) মূল্যমানের পে-অর্ডার/ব্যাংক ড্রাফট (যেকোনো তফসিলি ব্যাংক হতে) দাখিল সাপেক্ষে আবেদন ফরম ক্রয় করা যাবে। আবেদনে প্রস্তাবিত মূল্যের ন্যূনতম ২০% জামানত হিসেবে উপজেলা নির্বাহী অফিসার, শ্রীমঙ্গল, মৌলভীবাজার এর অনুকূলে পে-অর্ডার/ব্যাংক ড্রাফট জমা প্রদান করতে হবে। পে-অর্ডার/ব্যাংক ড্রাফট যাচাইয়ের স্বার্থে ব্যাংক হতে আবেদনকারী বরাবর সরবরাহকৃত (যিনি আবেদন জমা করবেন তার নামে ব্যাংক হতে ইস্যুকৃত) জামানতের পে-স্লিপ (জমার বিবরণ) অবশ্যই আবেদনের সাথে জমা প্রদান করতে হবে।

০৫) আবেদন ফরমের প্রতিটি অংশ যথাযথভাবে পূরণ করতে হবে এবং প্রস্তাবিত মূল্য স্পষ্টভাবে (অংকে ও কথায়) লিখতে হবে। অসম্পূর্ণ, ঘষামাজা, কাটা-ছেঁড়া, ফ্লুইড ব্যবহারকৃত আবেদনসমূহ বাতিল বলে গণ্য হবে।

০৬) আবেদনকারী মা মাছ/ডিমওয়াল মাছ শিকার করতে পারবেন না। জলমহালে সেচ করে শুকিয়ে বা নিষিক্ত ঘোষিত কোনো জাল দিয়ে মৎস্য আহরণ করতে পারবেন না।

০৭) উপজেলার খাস আদায় কমিটির তত্ত্বাবধানে মৎস্য আহরণ করতে হবে। খাস আদায়ের জন্য প্রদত্ত আদেশ কখনোই ইজারা হিসেবে গণ্য হবে না।

০৮) সরকারি জলমহাল ব্যবস্থাপনা নীতি, ২০০৯ এর পরিপন্থী কোনো কাজ করলে, ইজারার বিজ্ঞপ্তির শর্ত ভঙ্গ করলে কিংবা অন্য কোন অনিয়ম করলে প্রদত্ত খাস আদায় কোনো কারণ দর্শানো ব্যতিরেকে বাতিল করা হবে।

০৯) খাস আদায় বাতিলকৃত জলমহাল বিধি মোতাবেক পুনরায় ইজারা প্রদান/খাস আদায় করা হবে।

১০) মেয়াদ শেষ হওয়ার সাথে সাথে সংশ্লিষ্ট জলমহালের উপর সমিতির সকল অধিকার বিলুপ্ত হবে। উক্ত জলমহালের সকল অধিকার, স্বত্ব ও দখল স্বয়ংক্রিয়ভাবে উপজেলা নির্বাহী অফিসার তথা সরকারের নিকট ন্যস্ত হবে। খাস আদায়ের মেয়াদ শেষ হলে মৎস্য আহরণের জন্য অতিরিক্ত কোনো সময় মঞ্জুর করা হবে না।

১১) প্রাকৃতিক ভারসাম্য নষ্ট হতে পারে এ ধরনের কোনো কার্যক্রম গ্রহণ করা যাবে না। জলমহালের প্রাকৃতিক পরিবেশ পরিবর্তনসহ কোনো প্রকার ক্ষতিসাধন করা যাবে না। এরূপ করা হলে প্রদত্ত খাস আদায় আদেশ বাতিল করা হবে।

১২) জলমহালের কোথাও প্রবাহমান পানি আটকে রাখা যাবে না। যে সকল জলমহাল থেকে জমিতে পানি সেচ প্রদানের সুযোগ রয়েছে সেখান থেকে সেচ মৌসুমে সেচ প্রদান বিঘ্নিত করা যাবে না। খাস আদায়ের নিমিত্ত বন্ধ জলমহালে মৎস্য চাষের ক্ষতি না করে পরিমিত পর্যায়ে সেচ কার্যক্রম পরিচালনার সুযোগ থাকবে।

১৩) বর্তমান প্রচলিত নীতি এবং এ বিষয়ে সরকার কর্তৃক সময় সময় জারীকৃত সকল বিধি-বিধান/আইন-কানুন নিয়োজিত সমিতি মানতে বাধ্য থাকবেন। সরকার প্রয়োজনবোধে যেকোন সময় খাস আদায় কার্যক্রম বন্ধ/বাতিল করতে পারবেন। এতে কোনো ক্ষতিপূরণ দাবী করা যাবে না।

১৪) শুধুমাত্র দরপত্র প্রক্রিয়ায় অংশগ্রহণকারী (অবিবেচিত) মৎস্যজীবী সমবায় সমিতি/সংগঠন এর আবেদনের সাথে দাখিলকৃত পে-অর্ডার/ব্যাংক ড্রাফট বিজ্ঞপ্তির ৩য় পর্যায় অর্থাৎ দরপত্র প্রক্রিয়ার সকল কার্যক্রম সম্পন্ন শেষে অবমুক্ত করা হবে।

১৫) আগ্রহী মৎস্যজীবী সমবায় সমিতি/সংগঠনকে সরেজমিনে জলমহালের বাস্তব অবস্থা সম্পর্কে অবহিত হয়ে খাস আদায় কার্যক্রমে অংশগ্রহণ করতে হবে। ভবিষ্যতে এ সংক্রান্ত কোনো আপত্তি গ্রহণযোগ্য হবে না। দরপত্র প্রক্রিয়ায় অংশগ্রহণ করে পরবর্তীতে খাস আদায় নিতে আগ্রহী বা ইচ্ছুক নয়, এমন মৎস্যজীবী সমবায় সমিতি/সংগঠন কর্তৃক দাখিলকৃত পে-অর্ডার/ব্যাংক ড্রাফট সরকারের অনুকূলে বাজেয়াপ্ত করা হবে।


১৬) কোনো মৎস্যজীবী সমবায় সমিতি/সংগঠনের জঙ্গি সম্পৃক্ততা থাকলে তার আবেদন বাতিল করা হবে।

১৭) এক পর্যায়ে বিক্রিত জলমহাল অন্য পর্যায়ে দাখিল করা যাবেনা। এক পর্যায়ে বিক্রিত জলমহাল অন্য পর্যায়ে দাখিল করলে আবেদন বাতিল বলে গন্য হবে।

১৮) জলমহালের বিষয়ে মহামান্য সুপ্রিমকোর্ট/বিজ্ঞ দেওয়ানী আদালত/ভূমি আপীল বোর্ড/বিজ্ঞ রাজস্ব আদালত কিংবা অন্য কোনো কর্তৃপক্ষ কর্তৃক স্থগিতাদেশ/নিষেধাজ্ঞা/নিবারণমূলক আদেশ থাকলে, সেক্ষেত্রে খাস আদায় কার্যক্রম উক্ত স্থগিতাদেশ/নিষেধাজ্ঞা/নিবারণমূলক আদেশ প্রত্যাহার/নিষ্পত্তির পর পরিচালিত হবে।

১৯) খাস আদায়ের বিষয়ে উপজেলা জলমহাল ব্যবস্থাপনা কমিটির সিদ্ধান্ত চূড়ান্ত বলে গন্য হবে।

২০) কর্তৃপক্ষ যেকোন আবেদন গ্রহণ ও বাতিল এবং বিজ্ঞপ্তিতে বর্ণিত কোন শর্ত/অনুচ্ছেদ সংশোধন/পরিবর্তন/পরিমার্জন বা বিজ্ঞপ্তি বাতিল করার ক্ষমতা সংরক্ষণ করেন।


(আলী রাজিব মাহমুদ মিঠুন)
উপজেলা নির্বাহী অফিসার

ও

আহ্বায়ক

উপজেলা জলমহাল ব্যবস্থাপনা কমিটি
শ্রীমঙ্গল, মৌলভীবাজার।

০৫ অগ্রহায়ন ১৪৩০

তারিখ : ২০ নভেম্বর ২০২৩।

স্মারক নং-৩১.৬০.৫৮৮৩.০০০.১৮.০০৫.২৩-৫৭৪/১

অনুলিপি : (সদয় অবগতি/কার্যার্থে) জ্যৈষ্ঠতার ভিত্তিতে নয়-

১। জেলা প্রশাসক, মৌলভীবাজার।

২। চেয়ারম্যান, উপজেলা পরিষদ, শ্রীমঙ্গল।

৩। উপজেলা নির্বাহী অফিসার, শ্রীমঙ্গল, মৌলভীবাজার।

৪। উপজেলা মৎস্য/সমবায় কর্মকর্তা, শ্রীমঙ্গল, মৌলভীবাজার।

৫। উপজেলা কৃষি কর্মকর্তা, শ্রীমঙ্গল, মৌলভীবাজার।

৬। চেয়ারম্যান,----- ইউনিয়ন পরিষদ, শ্রীমঙ্গল (সকল) (বিজ্ঞপ্তিটি বহুল প্রচারের অনুরোধসহ)

৭। ইউনিয়ন ভূমি সহকারী কর্মকর্তা,----- শ্রীমঙ্গল, মৌলভীবাজার (বিজ্ঞপ্তিটি বহুল প্রচারের প্রয়োজনীয় ব্যবস্থা গ্রহণের জন্য বলা হলো)।

৮। সম্পাদক, বাংলাদেশ প্রতিদিন (বিজ্ঞপ্তিটি তৈরীদৈনিক পত্রিকার ভিতরের পাতায় ১৫ X ৪ কলামে আগামী ২২/১১/২০২৩ খ্রিস্টাব্দ তারিখের মধ্যে কেবলমাত্র ০১(এক) দিনের জন্য (সরকারি ছুটির দিন ব্যতীত) প্রকাশ এবং বিজ্ঞাপনটি প্রকাশের ০৭ (সাত) কার্যদিবসের মধ্যে ০৫(পাঁচ)টি পত্রিকার কপিসহ বিজ্ঞাপন বিল এ কার্যালয়ে প্রেরণের জন্য নির্দেশক্রমে অনুরোধ করা হলো)।

৯। জনাব

১০। এ কার্যালয়ের নোটিশ বোর্ড।

১১। অফিস কপি।


(সন্দীপ সর্কার)
সহকারী কমিশনার (ভূমি)

ও

সদস্য সচিব

উপজেলা জলমহাল ব্যবস্থাপনা কমিটি